

Arkivnr: 2018/15997-13

Saksbehandlar: Odd Bjarne Berdal, fylkesrådmannen, Hordaland

Saksframlegg**Saksgang**

Utval	Saknr.	Møtedato
Fellesnemnda		13.03.2019

Inntak i Vidaregåande opplæring**Samandrag**

Fellesnemnda har mynde til å vedta det som skal til for at samanslåinga av dei to fylkeskommunane kan gjennomførast. Prosjektleiartilrå at dagens inntaksordningar og inntaksområde, inkludert dei ordningar som finst for ungdom i grenseområda, vert vidareført for inntak til vidaregåande opplæring skuleåret 2020/2021, og at fylkesdekkande tilbod vert gjort søkbare for søkarar i heile Vestland fylkeskommune frå og med skuleåret 2020/2021.

For å gjennomføre felles inntak frå skuleåret 2021/2022 må ny inntaks- og formidlingsforskrift vedtakast i nytt fylkesting seinast i mars/april 2020. Prosjektleiartil vil derfor legge fram sak om høyring av ny inntaks- og formidlingsforskrift, inkludert inntaksområde, for nytt fylkesting i oktober 2019. Høyringsprosessen må starte seinast ved utgangen av oktober 2019 for å sikre brei involvering, forsvarleg sakshandsaming og å kunne overhalde dei fristar lova set.

Prosjektleiartilrå fellesnemnda til å gjere slikt vedtak:

1. Dagens inntaksordningar og inntaksområde, inkludert dei ordningar som finst for ungdom i grenseområda, vert vidareført for inntak til vidaregåande opplæring skuleåret 2020/2021. Fylkesdekkande tilbod vert gjort søkbare for søkarar i heile Vestland fylkeskommune frå og med skuleåret 2020/2021.
2. Det vert sett i gong ein prosess mot felles inntak frå skuleåret 2021/2022 som skissert i saksframlegget

Rune Haugsdal
prosjektleiartilBjørn Lyngedal
fylkesdirektør opplæring

Saksframlegget er godkjent elektronisk og har derfor inga underskrif
Prosjektleiartil, 05.03.2019

1.0 Bakgrunn for saka

Fellesnemnda gjorde 19.12.18, sak PS 56/2018, følgende vedtak knytt til inntaksområde i Vestland fylkeskommune:

1. *Modell 3: Fleire inntaksområde – karakterbasert vert lagt til grunn for vidare arbeid med tilbodsstruktur og inntak.*
2. *Prosjektleiar kjem tilbake med sak om tal inntaksområde og geografisk avgrensing av desse til fellesnemnda våren 2019*

Fellesnemnda har mynde til å vedta det som skal til for at samanslåinga av dei to fylkeskommunane kan gjennomførast. Prosjektleiar tilrår at dagens inntaksordningar og inntaksområde, inkludert dei ordningar som finst for ungdom i grenseområda, vert vidareført for inntak til vidaregåande opplæring skuleåret 2020/2021, og at fylkesdekkande tilbod vert gjort søkbare for søkarar i heile Vestland fylkeskommune frå og med skuleåret 2020/2021.

2.0 Prosjektleiar si vurdering

Inntaks- og formidlingsforskrifta, inklusive inndelinga i inntaksområde, som fellesnemnda vedtek vil gjelde for berre eit år. Prosjektleiar vurderer det slik at dersom fellesnemnda no vedtek endra inntaksområde vil det vere vesentleg risiko for at ein i løpet av tre skuleår kan få tre ulike inntaksordningar. Dette vil vere uheldig og lite føreseieleg for søkarane/elevane.

For å sikre at saka er godt opplyst og at interessentar har høve til å uttale seg, krev forvaltningslova omfattande høyringsprosessar. Etter prosjektleiar si vurdering vil sjølv mindre endringar i inntaksområde og inntaksordningane utløyse kravet om brei involvering og høyringsprosessar.

På bakgrunn av dette er det prosjektleiar si oppfølging av vedtakspunkt 2 i PS 56/2018 at noverande inntaksområde og inntaksordningane i høvesvis Hordaland fylkeskommune og Sogn og Fjordane fylkeskommune blir vidareført for skuleåret 2020/2021. Dagens ordningar for kvar ungdommar i grenseområda mellom Sogn og Fjordane og Hordaland kan søke vert òg vidareført. Hordaland fylkeskommune sin avtale med Rogaland fylkeskommune om gjesteelevordning for elevar i grenseområda vert òg vidareført. Tilsvarande gjeld òg dersom Sogn og Fjordane fylkeskommune gjer avtale om gjesteelevordning for søkarar frå Hornindal og Vanylven. Dette medfører at det vert felles inntak i Vestland fylkeskommune først frå skuleåret 2021/2022. Likevel meiner prosjektleiar at det frå skuleåret 2020/2021 må opnast opp for at fylkesdekkande tilbod vert søkbare for søkarar i heile Vestland fylkeskommune.

Slik tilboda er vedtekne for inneverande skuleår ville dei fylkesdekkande tilboda vere:

Utdanningsprogram	Programområde vg2	Programområde vg3
Design og handverk	Blomsterdekoratør Design og tekstil	design og handverk Interiør Kjole- og draktsyarfag
Elektrofag		Maritim elektrisk
Helse- og oppvekstfag	Hudpleie	Hudpleie Apotekteknikar Tannhelsesekretær
Naturbruk	Anleggsgartner og idrettsanleggsgfag Tilbod med fordjuping i dyrefag, friluftsliv og hestefag	
Restaurant- og matfag	Matfag	
Service og samferdsel	Ikt-servicefag	
Teknikk og industriell produksjon	Brønnteknikk	Anleggsmaskinmekanikarfaget Landbruksmekanikarfaget

Andre tilbod som kan vurderast som fylkesdekkande:

- International Baccalaureate (IB)
- Elektrofag og helse og oppvekstfag med studiekompetanse
- 4-årig ysk (TAF):bygg- og anleggsteknikk, restaurant- og matfag, og elektrofag
- Tilbod i utlandet i regi av dei vidaregåande skulane: seks ulike tilbod om kompetansegejevande Vg2 tilbod i utlandet.
- Toppidrettstilbod –gjennom Olympiatoppen Vest-Norge: Tertnes vidaregåande skule, Voss gymnas og Åsane vidaregåande skole
- Tilbod om spissa idrettstilbod i fotball ved Sogndal vidaregåande skule og volleyball ved Hafstad vidaregåande skule-

Kva som vert søkbare fylkesdekkande tilbod skuleåret 2020/2021 vert endeleg avgjort i tilbodsstruktursaka i desember 2019

Etter forvaltningslova kap. 4, §37, 4. ledd, pkt. c er det høve til å fråvike kravet om høyringar dersom «den må anses åpenbart unødvendig». Etter prosjektleiar si vurdering vil det å opne opp for at fylkesdekkande tilbod vert søkbare for søkarar i heile Vestland fylkeskommune ikkje utløyse krav om høyring. For ei slik justering meiner prosjektleiar det vil vere uforsvarleg ressursbruk å gjennomføre ein høyringsprosess. Dersom ein skulle ha gjort endringar som utløyste kravet om høyring, måtte denne ha vore gjennomført slik at sak om nye inntaksområde kunne handsamast i fellesnemnda i mars 2019 for at det praktisk skulle vore mogeleg å gjennomføre inntaket til skuleåret 20/21 etter ny forskrift. Sett i samanheng med dei uheldige konsekvensane større endringar fleire år på rad vil ha for søkarane/elevane, har ikkje prosjektleiar vurdert dette som ei mogeleg løysing.

Vestland fylkeskommune må etter forskrift til opplæringslova ha ei inntaks- og formidlingsforskrift. Prosjektleiar rår til at dei eksisterande forskriftene i Sogn og Fjordane fylkeskommune og Hordaland fylkeskommune vert vidareført uendra i ny forskrift for Vestland fylkeskommune for skuleåret 2020/2021, med justering for at fylkesdekkande tilbod vert søkbare for søkarar/elevane i heile Vestland fylkeskommune.

2.1 Konsekvensar av å vidareføre dagens inntaksområde og inntaksordningar for skuleåret 2020/2021

- Ein må utsette alle omfattande endringar i inntaksordningane med eitt år. Dette gjeld mellom anna tidleg inntak/særskiltinntak, spørsmålet om fortrinn til vg2/vg3 på studieførebuande utdanningsprogram, vaksenopplæring og tilbod for minoritetsspråklege
- Ein må gjere ei ny vurdering av dei tekniske løysingane i systemet for inntak til vidaregåande opplæring (VIGO). Uansett vil ein reelt ikkje gjennomføre eit felles inntak før skuleåret 2021/2022 med unntak for dei fylkesdekkande tilboda.
- Ein må vurdere om ein òg bør utsette felles budsjettmodell/ressursfordelingsmodell for skulane eitt år.

2.2 Vidare prosess

For å praktisk å kunne legge til rette for å gjennomføre felles inntak frå skuleåret 2021/2022 må ny inntaks- og formidlingsforskrift vedtakast i nytt fylkesting seinast i mars/april 2020. Prosjektlear vil derfor legge fram sak om høyring av ny inntaks- og formidlingsforskrift, inkludert inntaksområde, for nytt fylkesting i oktober 2019. Høyringsprosessen må starte seinast ved utgangen av oktober 2019 for å sikre brei involvering, forsvarleg sakshandsaming og å kunne overhalde dei fristar lova set.